

Perëndia dhe lutja

Të kesh besim te lutja do të thotë se beson që Perëndia u përgjigjet lutjeve të tua. Perëndia i dëgjon lutjet tona dhe u përgjigjet atyre (Mateu 7:7–11; Marku 11:22–24; Efesianëve 3:20–21; Jakobi 1:5–8).

Perëndia u përgjigjet lutjeve në shumë mënyra. Ndonjëherë Ai thotë: «Po» (Jakobi 5:13–18). Ndonjëherë Ai thotë: «Jo» (2 Korintasve 12:7–10). Disa herë të tjera Ai thotë: «Prit» (Eksodi 1, 3:7; Psalmeve 27:14; Luka 11:5–8). Ndonjëherë Ai na jep diçka të ndryshme nga çfarë i kërkojmë (1 Mbretërve 3:5–14; Efesianëve 3:20–21). Perëndia shikon çdo gjë (1 Pjetër 3:12). Meqenëse Ai është i dashur, i ditur dhe i mirë, Ai gjithmonë bën atë që është më e mirë për fëmijët e Tij. Kur jemi në vështirësi, Ai na shtrin dorën e mëshirshme dhe të hirshme (Hebrenjve 4:16).

A ka raste kur Perëndia vendos të mos i dëgjojë lutjet tona? Bibla thotë se në disa raste Perëndia nuk do t'i dëgjojë lutjet tona... (1) për arsye të mëkateve dhe të këqijave tona (Isaia 59:1–2; Psalmeve 66:18; Fjalët e Urta 1:24–28, 15:29; Jeremia 11:10–11, 14:10–12); (2) për arsye të dyshimeve tona (Jakobi 1:5–8; Marku 11:24); (3) sepse ne nuk dëgjojmë kërkesat e të varfëve

(Fjalët e Urta 21:13); (4) sepse ne nuk falim të tjerët (Mateu 6:14–15; 18:21–35); (5) për arsye të motiveve tona egoiste dhe të papastra (Jakobi 4:3); (6) sepse burrat nuk i trajtojnë gratë e tyre me mirësi (1 Pjetri 3:7); dhe (7) sepse ne u kushtojmë rëndësi gjërave të tjera dhe jo Perëndisë (Mateu 6:33).

Kur Perëndia na jep diçka të ndryshme nga ajo që kërkojmë, le të mbajmë mend këtë poezi të gjetur në xhepin e një ushtari amerikan, më shumë se një shekull më parë:

«I kërkoja Perëndisë fuqi, që të përfundoja çfarë kisha nisur, por përkundrazi u bëra më i dobët, që të mësoja të të bindem me përlulje. I kërkoja shëndet, për të bërë gjëra më të mëdha, por përkundrazi u sëmura, që të mund të bëj gjëra më të mira. I kërkoja pasuri, për të qenë i lumtur, por bëra i varfër, që të bëhem i ditur. I kërkoja gjithçka, që të mund të shijoj jetën, por përkundrazi m'u dha jetë, që të shijoj gjithçka. Asgjë që kërkoja nuk mu dha, por mora çdo gjë që kisha shpresuar të kisha. Pavarësisht nga ato që kërkoja, lutjet e mia u plotësuan. Unë jam shumë herë më i bekuar se gjithë njerëzit e tjerë!»

Çfarëdo që t'i kërkojmë Perëndisë në lutje, Ai do të përgjigjet në një mënyrë të tillë që jeta jonë t'i japë lavdi vetëm Atij (2 Korintasve 12:7–10).

PLANI I PERËNDISË PËR SHPËTIMIN

Dëgjoni fjalën e Perëndisë	Romakëve 10:17
Besoni në Krishtin	Gjoni 3:16
Pendohuni për mëkatet tuaja	2 Pjetër 3:9
Rrëfeni besimin tuaj te Krishti	Mateu 10:32
Pagëzohuni për larjen e mëkateve	Veprat 22:16
Jetoni me besnikëri deri sa të vdisni	Zbulesa 2:10

Autor: J. L. May
Marrë nga studimi: "Cili është kuptimi i jetës"
© 2002, 2003 E VERTETA PËR SOT
Të gjitha të drejtat të rezervuara